


Bishita di delegacion di Fondo Europeo pa Desaroyo na Museo Arqueologico Aruba



ORANJESTAD — Recientemente Museo Arqueologico Aruba (MAA) a haya bishita di un delegacion di Fondo Europeo pa Desaroyo (FED). E delegacion cu tabata consisti di e hefe di Delegacion na Guyana sr. G. Heikens, e “Head of Sector Overseas Countries and Territories”, Sra. Lut Fabert-Goossens y Sr. E. Sandkar, staciona na e delegacion di Guyana a bin monitor e progreso di e proyecto di e museo nobo. E delegacion tabata acompaña pa e directora di Departamento di Asuntonan Economico, Sra. M. Dijkhoff-Pita, kende tambe ta fungi como “Territorial Authorizing Officer” di FED na Aruba, sra. Marisa de Kort encarga cu proyectonan di FED y Sr. H. Hagens asistente tecnico di FDE pa e proyecto

di museo. Sra. A. Franken-Ruiz, encarga cu e maneho diario di MAA y sr. A. Tromp di Departamento di Cultura Aruba a ricibi e delegacion. Despues di un introduccion duna dor di A. Franken-Ruiz, sra. M. Wever,

encarga cu e departamento educativo di museo, a duna un presentacion di e exposicion nobo. Despues a sigui cu un guia y splicacion den e areanan destina pa e salanan di exposicion, como tambe e

areanan cu a bira oficina, laboratorio, area tecnico, depositoryo, biblioteca, area educativo y local ta destina pa bira cafeteria y souvenirshop. E Fondo ta e principal financiador di e proyecto pa crea un ubicacion nobo

pa MAA den edificionan historico na Schelpstraat. Otro financiadornan ta Gobierno di Aruba pa medio di Ministerio di Cultura y Ministerio di Finanzas, UNOCA y FDA. Ta trata di un inversion di aproximadamente 12 miyon florin den infraestructura y structura organisatorio di e museo. E representantenan di FED a haya un bon impresion di kico tur e museo nobo lo tin di ofrece den futuro y a keda hopi satisfeco cu e progreso di MAA pa yega na esaki.

Na final a regala cada un di e representantenan di FED e publicacion di Museo Arqueologico: “The Marine Shell Heritage”, y un ejemplar di un publicacion ‘Nos Portret’ como tambe un calender di Aña di Cultura.

